

## FAQ BERKAITAN SKIM SIMPANAN PENDIDIKAN NASIONAL (SSPN)

1. Apakah yang dimaksudkan dengan Pendeposit dan Penerima Manfaat?

### Pendeposit ertinya:-

- i. Mana-mana warganegara yang membuka akaun Skim Simpanan Pendidikan Nasional (SSPN) sama ada untuk diri sendiri atau mana-mana rakyat Malaysia lain sebagai penerima manfaat;
- ii. Mana-mana orang Malaysia yang dinamakan sebagai Penerima Manfaat tidak layak sekali-kali untuk menjadi pendeposit melainkan akaun asalnya ditutup; dan
- iii. Ianya hendaklah berumur 18 tahun atau lebih.

### Penerima Manfaat ertinya:-

- i. Mana-mana orang Malaysia yang dinamakan untuk menerima manfaat atas pembukaan akaun SSPN oleh mana-mana Pendeposit;
- ii. Penerima yang berhajat untuk menjadi pendeposit kepada anak-anaknya atau mana-mana orang lain hendaklah terlebih dahulu memohon untuk menutup akaun asalnya; dan
- iii. Ia hendaklah berumur antara 1 hari hingga 28 tahun jika ianya bukan untuk Akaun Diri Sendiri.

2. Apakah had umur untuk Pendeposit dan Penerima Manfaat?

Pendeposit SSPN hendaklah berumur 18 tahun dan ke atas manakala had umur Penerima Manfaat adalah antara 1 hari hingga 28 tahun (1 hari sebelum hari lahir ke 29 tahun). Penerima Manfaat yang telah mencapai umur 29 tahun dan ke atas hendaklah membuka untuk dirinya sendiri. Secara khususnya kategori had umur pembukaan akaun SSPN adalah seperti berikut:-

- Kategori 1 : Akaun dibuka oleh ibubapa/penjaga atau warganegara yang lain untuk mana-mana warganegara yang berumur 18 tahun ke bawah dan boleh mengekalkannya sehingga umur genap 28 tahun;
- Kategori 2 : Warganegara yang berumur 18 tahun ke atas mempunyai pilihan samada untuk membuka akaun sendiri atau dibuka oleh ibu bapa/penjaga.
- Kategori 3 : Warganegara yang berumur 29 tahun ke atas, perlu membuka akaun sendiri

3. Bolehkah Pendeposit menjadi Penerima Manfaat atau sebaliknya?

**Pendeposit dalam masa yang sama boleh menjadi Penerima Manfaat apabila akaun dibuka olehnya sendiri (selagi beliau tidak mempunyai akaun SSPN yang telah dibuka oleh ibu bapa/penjaga). Sebaliknya Penerima Manfaat tidak boleh menjadi Pendeposit kecuali ianya telah mencapai umur 18 tahun dan telah menutup akaun yang telah dibuka oleh ibu bapa/penjaganya.**

4. Berapakah bilangan maksimum Penerima Manfaat bagi setiap Pendeposit?

**Setiap Pendeposit dihadkan boleh membuka tidak lebih dari 99 akaun untuk mana-mana Penerima Manfaat yang lain dan termasuk satu akaun untuk dirinya sendiri.**

5. Berapakah bilangan maksimum Pendeposit bagi setiap Penerima Manfaat?

**Setiap Penerima Manfaat boleh mempunyai lebih daripada 1 akaun SSPN yang dibuka oleh ibu atau bapa atau penjaga atau mana-mana rakyat Malaysia yang lain.**

6. Bolehkan Penerima Manfaat mempunyai lebih daripada 1 akaun?

**Seseorang Penerima Manfaat boleh mempunyai lebih daripada 1 akaun sahaja iaitu akaun yang dibuka oleh ibu atau bapa atau penjaga atau mana-mana rakyat Malaysia yang lain.**

7. Adakah Pendeposit dan Penerima Manfaat mesti terdiri dari ahli keluarga terdekat?

**Tidak semestinya. Mana-mana rakyat Malaysia juga boleh membuka akaun untuk rakyat Malaysia yang lain.**

8. Bolehkan setiap anak (adik beradik) mempunyai Pendeposit yang berlainan? Contoh: pendeposit untuk anak pertama adalah ayah, anak ke-2 ialah datuk dan anak ke-3 ialah bapa saudara.

**Boleh.**

9. Apakah kelebihan/keistimewaan yang diperolehi oleh Pendeposit dan Penerima manfaat?

**Kategori 1:-**

**Pendeposit iaitu ibu bapa atau penjaga yang sah mengikut undang-undang berumur 18 tahun dan ke atas; dan**

**Penerima manfaat mesti berumur 1 hari hingga 28 tahun.**

**Keistimewaannya:**

- i. Geran sepadan untuk keluarga berpendapatan bulanan tidak melebihi RM2,000;**
- ii. Perlindungan Insurans untuk pendeposit maksima RM50,000 jika pendeposit berumur tidak melebihi 65 tahun;**
- iii. Khairat kematian untuk pendeposit dan anak pendeposit layak perlindungan insuran;**
- iv. Pelepasan cukai pendeposit ke atas simpanan akaun anak-anaknya;**
- v. Dividen tahunan; dan**

**Kategori 2:-**

**Pendeposit yang bukan ibu bapa atau penjaga yang sah mesti berumur 18 tahun dan ke atas; dan**

**Penerima manfaat mesti berumur 1 hari hingga 28 tahun.**

**Keistimewaannya:**

- i. Perlindungan Insurans untuk pendeposit maksima RM50,000 jika pendeposit berumur tidak melebihi 65 tahun;**
- ii. Khairat kematian untuk pendeposit dan anak pendeposit layak perlindungan insuran;**
- iii. Dividen tahunan; dan**

**Kategori 3:-**

**Pendeposit membuka akaun untuk dirinya sendiri.**

**Keistimewaannya:**

- i. Perlindungan Insurans untuk pendeposit maksima RM50,000 jika pendeposit berumur tidak melebihi 65 tahun;**
- ii. Khairat kematian untuk pendeposit jika pendeposit layak perlindungan insuran;**
- iii. Dividen tahunan; dan**

10. Sekiranya permohonan pinjaman diluluskan, adakah jumlah pinjaman tersebut ditolak daripada jumlah simpanan SSPN pemohon?

**Tidak.**

11. Bolehkan simpanan SSPN digunakan untuk membuat bayaran balik pinjaman PTPTN atau agensi lain?

**Boleh.**

12. Adakah simpanan SSPN dipotong secara automatik sekiranya peminjam tidak membuat bayaran balik pinjaman mengikut tempoh yang telah ditetapkan?

**Tidak.**

13. Bilakah simpanan SSPN boleh dikeluarkan?

**Pengeluaran hanya boleh dibuat selepas 1 tahun menyimpan. Terdapat 2 jenis pengeluaran iaitu:-**

- i. **Pengeluaran sekali setahun pada kadar 10% daripada baki akaun atau RM500 mengikut mana yang terendah; atau**
- ii. **Pengeluaran 100% atau penutupan akaun SSPN sekiranya penerima manfaat memenuhi salah satu daripada kriteria berikut:-**
  - a. **Diterima masuk ke IPT ;**
  - b. **Terkeluar daripada sistem pendidikan secara sukarela atau diberhentikan atas sebab-sebab tertentu;**
  - c. **Sakit berterusan yang tiada peluang untuk sembuh dengan pengesahan doktor perubatan Kerajaan;**
  - d. **Keilangan kekal dengan pengesahan doktor perubatan Kerajaan;**
  - e. **Kematian penerima manfaat; atau**
  - f. **Kematian pendeposit.**

14. Bagaimanakah untuk mengeluarkan simpanan SSPN?

**Membuat tuntutan terus ke Pejabat PTPTN (dengan membawa dokumen berkaitan seperti salinan MyKad pendeposit, buku akaun pendeposit, Kad SSPN penerima manfaat, surat tawaran universiti/ surat akaun doktor dan dsb; atau**

**Membuat tuntutan pengeluaran menerusi ejen SSPN : dapatkan borang pengeluaran di kaunter-kaunter ejen, sertakan dokumen berkaitan dan hantar menerusi ejen SSPN.**

15. Siapakah yang boleh mengeluarkan simpanan SSPN?

**Pendeposit sahaja. Penerima Manfaat tidak boleh mengeluarkan simpanan.**

16. Adakah caj dikenakan jika ingin mengeluarkan simpanan SSPN?

**Tiada caj dikenakan.**

17. Sekiranya pemohon telah berumur lebih 29 tahun adakah akaun SSPN perlu ditukar ke akaun sendiri?

**Ya.**

18. Di mana akaun SSPN boleh dibuka?

**Akaun SSPN boleh di buka di kaunter One Stop Center PTPTN di KL Sentral atau dibuka melalui ejen SSPN yang dilantik seperti:**

- i. Bank Simpanan Nasional;**
- ii. CIMB Bank Berhad;**
- iii. Agro Bank;**
- iv. Bank Kerjasama Rakyat Malaysia Berhad;**
- v. Bank Islam Malaysia Berhad; dan**
- vi. Maybank.**

19. Apakah kaedah simpanan yang boleh dilaksanakan oleh semua penyimpan?

- i. Tunai/cek cawangan bank (in house cheque) di semua ejen/kaunter PTPTN;**
- ii. Arahan Tetap (Standing Instruction) – BSN sahaja;**
- iii. Debit Terus (Auto Debit) – Agro Bank;**
- iv. Potongan gaji**
  - a. Kakitangan awam – melalui Jabatan Akauntan Negara Malaysia (JANM) bermula pada Ogos 2007; dan**
  - b. Potongan gaji agensi dan badan berkanun – melalui majikan (tertakluk persetujuan majikan)**
- v. Secara online menerusi e-SSPN khusus bagi pelanggan bank Hong Leong Bank Berhad, Public Bank Berhad, Bank Islam Malaysia Berhad, CIMB Bank Berhad dan Maybank; atau**
- vi. ATM, Mesin Deposit Tunai, Phone Banking dan Maybank2u.com – Maybank.**

20. Bagaimanakah penyimpan yang ingin mengetahui baki simpanan mereka?

**Semakan baki akaun SSPN boleh disemak atau dicetak melalui laman web: [www.ptptn.gov.my](http://www.ptptn.gov.my). Sementara semakan baki akaun boleh disemak melalui khidmat pesanan ringkas (SMS) dengan menaip: PTPTN SSPN<JARAK>NO AKAUN SSPN dan hantar ke 33199. Contoh: PTPTN SSPN 017401160354610**

21. Bagaimana caranya jika ibubapa/penjaga yang berminat ingin membuka akaun SSPN?

**Bagi ibu bapa yang berminat untuk membuka akaun SSPN, mereka perlu melengkapkan borang permohonan SSPN yang terdapat di ejen-ejen SSPN atau datang terus ke kaunter One Stop Center PTPTN di KL Sentral berserta dengan salinan dokumen-dokumen berikut :**

- i. Salinan MyKad/Kad Tentera/Kad Polis Pendeposit;**
- ii. Salinan MyKad/Sijil Kelahiran/MyKid penerima manfaat; dan**

- iii. Surat perakuan/sijil anak angkat, bagi pendeposit yang ingin membuka akaun bagi anak angkat di bawah jagaan mereka yang sah.

Pendeposit yang berpendapatan keluarga tidak melebihi RM2,000 sebulan, adalah layak untuk dipertimbangkan pemberian Geran Sepadan. Salinan dokumen pasangan seperti MyKad/Kad Tentera/Kad Polis dan salinan slip gaji/penyata pendapatan yang terkini hendaklah disertakan bersama.